

藝文志七

湖北通志卷八十一

子二 術數類 藝術類 譜錄類 雜家類

術數類 數學 占候 雜技術 相宅相墓 占卜 命書相書

太玄經注九卷漢宋衷撰 隋書經籍志 衷見易類 案唐藝文志作十二卷

陸續述玄曰鎮南將軍劉景升遣梁國成奇修好鄱州奇將玄

經自隨後數年章陵宋仲子為作解詁奇復銜命尋盟仲子以

所解付奇與安遠將軍彭城張子布績得覽焉仲子之思慮誠

為深篤 經義考 深作信 然玄道廣遠淹廢歷載師讀斷絕難可一備故

往往有違本錯誤夫玄之大義揲首著之謂而仲子失其旨歸

休咎之占靡所取定雖得文間義說 經義考 作異說 大體乖矣 補後漢 書藝文

志

新唐書藝文志有宋仲孚太玄經注十二卷考隋書及舊唐書

志八十三

藝文七 子部

經籍志俱無之疑即宋仲子注書子為學因譌孚爾 經義考 案三國魏

志稱王肅年十八從宋忠讀太玄經而更為之解蓋太玄 有注自忠始也今見於司馬溫公集注本中凡七八十條

太玄注明劉績撰 江夏志 績見易類

蔡氏性理二書圖解明胡明庶撰 康熙湖廣通志 明庶見樂類

明庶篤志力學尤精理數嘗取蔡邵皇極律呂二書朝誦夕思

章分句解衍為圖名曰蔡氏性理二書圖解行世 案黃州府志 作蔡邵皇極

律呂二 書圖解

性理三書圖解九卷明韓萬鍾撰 黃州府志 萬鍾見天文算法類

三書者易學啓蒙律呂新書洪範皇極內篇也皆本無性理之

名萬鍾以永樂中修性理大全載此三書故從其後而追題之

也原序稱其於啓蒙有主遇卦之殊於律呂有管孔之異於皇

極辨止戎之譌明象占之義今案其書於啓蒙考變占之三十

二圖每爻必自一爻變至六爻皆變者依爻位逐次列之而各繫爻辭於下蓋本之韓邦奇啓蒙意見殊爲繁複其於遇卦之卦並無發明律呂管孔仍徑一圍三最疏之率亦毫無是正至燕樂字譜大呂太簇夾鐘清各用五字而以上下緊別之蓋唐宋相傳之舊法所以取夾鐘爲二十八調之準萬鍾於四清祇列黃太夾而遺大呂清聲又云旋宮之法未考是其於燕樂尙茫然無據何論雅樂耶皇極內篇係分之八戎小數縱橫當以悔凶休祥平災咎吉吝爲次刊本誤以止之縱數列爲戎縱萬鍾據數正之則所考良是然蔡沈此書非聖人而作易御製性理精義已以僭經斥之世亦無用以占者其謬否正毋庸深辨耳

四庫存目

皇極注解明韓萬鍾撰

蕪州志

志八十三

藝文七

子部

二

皇極注解明桂庭萃撰

通城志

庭萃見易類

洪範衍義五卷明瞿九思撰

康熙湖廣通志

九思見易類

九思自言夢至一璇宮如萬頃碧琉璃見一巨人告之曰此爲安邑覺而大有所悟遂演範數月而成其說以洪範非衍於箕子而作於神禹禹都安邑故託之夢見爲辭而謂禹謨以水火金木土爲序範以水火木金土爲序金先於木是以金爲重故金能生水此伯鯨所以罔功木先於金是以木爲重木能生火火自能克水此神禹所以底績夫範之言五行乃天地生物自然之序禹之成功豈在以木爲重於金而能克火故耶其說謬戾可笑

經義考

皇極敷言明樊維城撰

黃岡志

維城見詩類

河洛理數註明孫應鴻撰

黃岡志

應鴻見易類

圖書懸象明熊甯撰

黃岡志甯見易類

河圖考清王臨撰

康熙湖廣通志臨見書類

皇極敷言清魏方振撰

蒲圻志方振見易類

皇極經世鈔一卷清郁文初撰

經義考文初見易類

河洛圖解清吳元俊撰

江夏志元俊見易類

周天易數二卷清陳芳烈撰

黃岡志芳烈見史評類

河圖詳說清朱任宏撰

監利志任宏見易類

洪範圖說四卷清嚴承夏撰

黃岡志

承夏字橫溪黃岡人乾隆三十一年進士歷官杭州同知

自序曰余少讀洪範按圖書而詳其義知河圖非圖洛書非書

陰陽五行之數也自數學不明而言易者主河圖言範者主洛

書古今聚訟莫之適從惟邵子確然見二圖之相表裏四象八

志八十三

藝文七 子部

三

體根於一統於五以盡其變而天地之消息人事之治亂物類之異同釐然可證竊倣其意為洪範圖說四卷本經為圖即圖釋經不敢妄附於前人而陰陽體用讀邵子書而撮其要有不得辭其責者至於因圖得數因數得象如九峰八十一圖原非洪範本意而約其數於呼吸動靜閒庶幾修身寡過之道乎故并錄其言之與圖象相發明者為釋立象示人之意與潛心洪範者參觀焉

河洛精言清屠述濂撰

孝感志述濂見地理類

洪範通易說清王家璧撰

武昌志家璧見易類

右術數類數學之屬

凡十部

靈臺祕苑一百二十卷隋庾季才撰

唐書藝文志季才見天文

卷數同周書季才本傳則作二百十卷隋經籍志則作一百十五卷今四庫著錄本十五卷

元魏高允集天文災異依洪範傳天文志爲八篇周太史令庾季才撰靈臺祕苑一百二十卷占驗益備隋志一百十五卷北周太史中大夫新野庾季才原撰而宋人所重修也季才之書見於隋志者一百十五卷周書本傳又作二百十卷此爲北宋時奉勅刪訂之本祇存十五卷目錄後題編修官于大吉丁洵同看詳官歐陽發看詳官王安禮諸臣銜名案發字伯和修長子史稱其天文地理靡不宣究安禮字和甫安石弟宋志有所撰天文書十六卷殆以其研究是術故俾司看詳歟錢曾讀書敏求記稱其考核精確非聊爾成書者朱彝尊跋則謂季才完書必多奧義諸人芟削僅摘十一若作酒醴去其漿而糟醲在矣今觀所輯首以步天歌及圖次釋星驗次分野土圭次風雷雲氣之占次取日月五星三垣列宿逐次詳注大抵頗涉占

志八十三

藝文七

子部

四

驗之說不盡可憑又篤信分野次舍以州郡強爲分析亦失之穿鑿附會然其所條列尙能成一家之言隋志所載天象諸書今無一存此書既據季才所撰爲藍本則周以前之古帙尙藉以略見大凡存爲考證之資亦無不可也四庫全書提要

右術數類占候之屬

凡一部

地形志八十七卷隋庾季才撰

通志藝文略

季才見前

案隋

其子質撰垂象地形等志又曰地形志八十七卷通志校讐略曰隋志分類不考庾季才地形志地理類中兩出然隋志兩出是書實在子部五行家其一八十卷非地理類也

地理直指四卷明彭鳳淮撰

潛江志

鳳淮字芝山潛江人

堪輿輯要明樊煒撰

黃岡志煒見易類

陽宅陰宅一訣千金二卷明彭好古撰

千頃堂書目好古見易類

地理大全一集三十卷二集二十五卷明李國木撰嘉慶志

國木漢陽人方技有傳

是書一集之一卷二卷為郭璞葬經三卷至六卷為唐邱延翰天機素書七卷至十卷為楊筠松撼龍經疑龍經葬法倒杖十一卷至十四卷為宋廖瑀九星穴法十五卷為蔡元定發微論十六卷為明劉基披肝露膽經十七卷至三十卷為搜元曠覽稱遯菴彙古者國木自撰也二集一卷為唐曾文迪青囊序二卷為楊筠松青囊奧語三卷至六卷為楊筠松天玉經內傳外編七卷至十一卷為元劉秉忠玉尺經附遯庵原經圖說十二卷至十四卷為宋賴文俊催官篇附遯菴理氣穴法十五卷至十六卷為宋吳克誠天玉外傳四十八局圖說十七卷至二十五卷為索隱元宗亦國木自撰是書凡例一集專論巒頭二集

志八十三

藝文七 子部

五

專論理氣以多為富真偽錯糅又國木自撰附圖附說者居其半陳因泛衍絕無取裁如玉尺經向稱劉秉忠著已屬傳會是書標題為陳希夷著劉秉忠集跋云與師友講論已成一帙幸得伯溫先生原本與予註若出一揆因為補其闕遺仍附圖說乃知所謂劉注即國木假為之以欺世也每卷首率題李某剛定是即其所集諸家之書亦已多所竄改矣四庫存目 案明秘旨七卷地理形勢真訣三十卷蓋即是書兩集之別名史志分別著之而小誤其卷數也凡例稱所集悉遵原本不敢輕易一字又云尙有三集陽宅四集選擇兩編今所行止此

活水墓田錄明賈廷試撰襄陽志

廷試字四明襄陽人由貢生薦授東安知縣邑多墻寺田宅未易繩尺掛冠歸

五種祕竅全書明甘霖撰黃州府志

霖字時望黃岡人少遇異人授以太乙六壬奇門星禽之學嘗游滇粵幕府平播酋平島寇咸參畫焉黃岡志

五種祕竅全書楚黃甘時望手著崇禎壬午唐鯉躍序凡天星

祕竅一卷地理祕竅一卷奇門一得二卷選擇祕竅三卷羅經

祕竅十卷彙刻書目外集

羅經指南解清陳虞昭撰武昌志

虞昭號晦泉武昌人通達博覽年八十餘手不釋卷教諭聶裕序此書謂當與河圖洛書相為體用

南幹龍說辨清劉湘燿撰學稼堂存彙 湘燿見書類 案原 題作辨宋儒南幹龍說之誤一篇

地理全書清嚴正笏撰石首志

正笏字哲人石首人諸生

八宅纂要清屠述濂撰孝感志 述濂見地理類

志八十三

藝文七 子部

六

山龍啓蒙 平陽發祕清汪兆柯撰黃岡志 兆柯見易類

風水本義一卷清袁培松撰蘄州志

培松字康千號石齋蘄州人國學生

自序曰學者昧於義利之辨至送死為事親之大事亦復不揣其本而術士風水之說日新月盛其與佛氏之徒以福田利益簧鼓天下者何以異哉培松稽之於經誦之於律而一證以先儒之說輯為風水本義一書以明葬親之本原以正術士之妖妄

地理質疑清黃經塾撰黃梅志

經塾字煥書黃梅人道光二年解元

地理挨星訣清劉塏撰宜昌府志

塏字居安東湖人道光二十五年恩貢生以文行世其家雜著

甚一悉爲大水蕩去惟所著地理挨星訣獨存

右術數類相宅相墓之屬凡十部

龜經祕要二卷齊柳世隆撰唐書藝文志

世隆襄陽人有列傳

世隆善卜別龜甲價至一萬永明初世隆曰永明九年我亾亾

後三年邱山崩齊亦於此季矣屏人命典籤李黨取筆及高齒

屐題簾箔旌曰永明十一年因流涕謂黨曰汝當見吾不見也

所著龜經祕要二卷行於世齊書本傳案世隆是書久不傳

百歲可卜天地之終始何以言之三千四十二

易林二十卷齊庾詵撰經義考詵見編年類案是書鄞縣全

古繇辭爲之者經義考

十杖龜經齊柳暉撰南史本傳暉見政書類

志八十三

藝文七 子部

焦氏易林解四卷清魏闕撰漢川志闕見易類

易林說清顧天錫撰蘄州志天錫見禮類

易林解清胡夢熊撰黃岡志

夢熊黃岡人順治八年舉人

易林解清王成撰黃岡志

成字生生黃岡人順治八年舉人

焦氏易林原清黎嘉會撰襄陽府志

嘉會襄陽人文學有傳

筮法祕傳三十卷清陳有夏撰蘄州志

有夏字淑伍蘄州人諸生博極羣書尤精易數掌教白雲書院

以經師稱

易筮遺占清李道平撰采訪冊道平見易類

道平周易集解纂疏自序有曰說易莫先左氏內傳解釋筮辭皆準象數猶古人說經之遺意是書採摭古來筮占之辭爲其撰纂疏時并成是帙

六壬捷占清李烈文撰

沔陽州志

烈文沔陽人道光十三年進士官江西知縣

六壬辨疑四卷清張官德撰

武昌志 官德見易類案志又有畢法案錄

右術數類占卜之屬

凡十部

支干定命圖唐皮日休撰

通志藝文略日休見春秋類

星學大成十卷明萬民英撰

嘉慶志

民英字育吾江夏人

案題名碑錄萬民英大寧都司茂山衛右所軍籍湖廣江夏縣人

嘉靖二

十九年進士歷官河道監察御史福建布政司右參議

是編取舊時星學家言以次編排間加註釋論斷卷一曰星曜

卷八十三

藝文七

子部

八

圖例卷二曰觀星節要宮度主用十二位論卷三曰諸家限例琴堂書寶卷四曰耶律祕訣卷五至卷七曰仙城望斗三辰通載卷八曰總龜紫府珍藏星經雜著卷九曰碧玉真經鄧史喬廟卷十曰光喬淵微星曜格局其餘星家古法纖鉅不遺可稱大備自來言術數者惟章世純所云其法有驗不驗驗者人之智計所及不驗者天之微妙所存其言最爲允當而術家必欲事事皆驗故多出其途以測之途愈多而愈不能中其尤難信者無過於喬廟一說其說以火土二星相反而相成晝火參軫及箕壁無咎乃大吉夜土角斗及井奎降福亦如之不知五行之理惟主生尅如季土坐於彫零之木本自借其疏通旺火臨於瀆滯之流亦轉樂其滋益若乃冬火坐水鄉春土居木位豈可目爲喬廟而定其吉乎且土雖盛而木已被其沈埋火即熾



而水已虞其枯涸有利於此卽不利於彼是皆好奇求驗而不計五行生尅之故者民英於此類大抵沿襲舊聞未能駁正其謬且今之五星躔度歲差旣異於古亦難必其盡合然其鳩集眾說多術家不傳之本實爲五星之大全與子平之三命通會並行不悖後來言果老術者參互考證要必於是取資焉明史藝文志及黃虞稷千頃堂書目皆以此書爲陸位撰而別出萬民育三命通會十二卷今檢此書卷首自序及凡例確爲民英所撰藝文志蓋沿黃氏之誤故仍以民英名著錄云

四庫全書提要

三命通會十二卷

明史藝文志 據四庫提要 仍以爲萬民英撰故著錄

不著撰人名氏卷首但題曰育吾山人明史藝文志有萬民育三命會通十二卷與此本卷數相合惟以通會作會通爲稍異考世所傳星學大成一書爲萬民英所撰民英字育吾與此本

志八十三

藝文七 子部

九

所題合當亦出民英之手藝文志蓋誤以民英爲民育又通會二字傳寫互倒耳自明以來談星命者皆以此本爲總彙幾於家有其書中間所載仕宦八字往往及明季之人蓋後來坊刻所攙入已非其舊然其闡發子平之遺法於官印財祿食傷之名義用神之輕重諸神煞所係之吉凶皆能採撮羣言得其精要故爲術家所恆用要有未可遽廢者至其立論多取正官正印正財而不知偏官偏印偏財亦能得力知食神之能吐秀而不知傷官之亦可出奇是則其偏執之見未爲圓徹且胎元等論施之今日亦有不驗言命學者但當得其大意而變通之可矣若所引珞琰子與今永樂大典中所輯完本其文迥殊則其時秘冊僅存外間未由窺見遂誤信依託之本固未足以爲病

也

四庫全書提要

造命纂要明尹賓商撰漢川志  
賓商見兵家類  
琴堂寶鑑清段先述撰江夏志

先述江夏人

右術數類命書相書之屬凡五部

遯甲訣一卷 遯甲文一卷 遯甲孤虛記一卷周伍員撰隋書經籍

志員見兵家類

隋志遯甲孤虛記一卷伍子胥撰吳越春秋計碗曰孤虛謂天門地戶也後漢方術傳注孤為六甲之孤辰對孤為虛趙彥為宗資陳孤虛之法從孤擊虛以討賊孟子注天時謂時日支干五行王相孤虛之屬也正義云孤虛之法以一畫為孤無畫為虛二畫為實以六十甲子日定東西南北四方然後占其孤虛實而向背之即知吉凶矣漢書藝文志考證

志八十三

藝文七 子部

十

式經章句二卷周伍員撰通志藝文略

南公三十一篇漢書藝文志

袁淑真隱傳曰南公者楚人埋名藏用世莫能識居國南鄙因以為號著書言陰陽事太平御覽

史記項羽紀楚南公曰楚雖三戶亡秦必楚也正義虞喜志林云南公者道士識廢興之數知亡秦者必於楚徐廣曰楚人也

善言陰陽漢書藝文志考證案通志氏族略曰楚有子南氏亦為南氏此以字為氏者又曰姓源韻譜云盤庚妃姜氏夢龍入懷孕十二月而生手把南字長封荊州號南赤龍則南氏世為楚之荊州人南公其後也亦曰有南氏

三式全書明官應震撰嘉慶志應震見奏議類

應震之子撫辰後序曰式之為言法也式於天曰太乙式於地

曰奇門式於人曰六壬同上

歷朝祥異錄明文鳳鳴撰荆門州志

鳳鳴荆門人崇禎時貢生熟於經史惠藩聘為師著有祥異錄

天雨豆劄子清劉湘燿撰學稼堂存稟  
湘燿見書類

雍正九年江南天雨紅豆總督尹繼善欲以上聞而未知故事

上元知縣以問湘燿湘燿因錄二十一史雨豆及雨物類近豆

者編年紀代綴錄史文以上於尹一時人詫為奇湖北通志檢  
存稟 案學

稼堂存稟目錄曰天雨豆劄子一篇次天  
學部之未以所言於祥異為近故列此門

五行塵談清吳瑄撰黃安志

瑄字元恪號易巒黃安人乾隆三十九年舉人

右術數類陰陽五行之屬凡九

占夢三卷唐陸羽撰嘉慶志 羽見傳記類  
文學自傳曰占夢上中下三卷 案陸

夢占逸旨八卷明陳士元撰明史藝文志 士元見易類  
書嘉靖壬戌士元自序十篇凡二卷 案是

外二十篇六卷并自為之注南匯吳省蘭刻入藝海珠塵中又  
案四庫提要云士元初作夢書元解何棟如因而廣之分夢占

志八十三

藝文七 子部

十一

二十六卷夢蘄二卷夢原一卷夢徵五卷前有凡例稱是書在  
宋景祐間名圓夢祕冊為晉葛洪原本宋邵雍輯是元解一書  
出於棟如之手且前有所因不盡出於士元而提要以為士元  
撰者或誤認夢占逸旨以為夢書元解不然士元自序其書外  
集別集諸目甚悉何獨遺是書而程  
大中歸雲書目何以亦不及之歟

劬書堂六夢略十二卷清陳本謙撰黃州府志

本謙黃岡人乾隆間貢生官郎西訓導

右術數類雜技術之屬凡三

以上術數類凡六十五部案漢書藝文志載有甘德長柳占夢  
二十卷隋書經籍志載有甘氏四七

法一卷崇文總目載有唐昧秤星經一卷玉海載有甘德天文  
星占八卷甘德唐昧雖均為楚人而其里籍無考不敢濫登附  
錄於此

術數類存目

皇極易簡一卷清李鍾暉撰鍾暉武  
昌人 周易五行斷清徐鏞撰

鏞羅田人 右數學

堪輿正解清夏廷槐撰

廷槐孝感人

武林樓地理詳考清孫廷樞

撰廷樞黃岡人

地理要言二卷清胡昌才撰

昌才蘄州人

地理正宗

三卷清蕭功誨撰

功誨沔陽人

青烏家言清左維翰撰

維翰雲夢人

地理辨正詳訓清洪基撰

基黃梅人

形家言清趙光早撰

光早黃安人

挨星圖說清鄧朋撰

朋黃梅人

右宅墓

六壬占驗清傅文霏撰

文霏石首人

奇門旨歸清朱浩文撰

浩文興國人

右占卜

星學摘要清何玉璽撰

玉璽沔陽人

右命相

辨論修吉錄清金鳳皋撰

鳳皋江夏人

誼吉纂要清許希曾撰

黃岡人

右五行

以上凡十五部并附存目

藝術類

書畫

琴譜

篆刻

雜技

志八十三

藝文七

子部

三

書品一卷梁庾肩吾撰

唐書藝文志

肩吾江陵人文學有傳

是書載漢至齊梁能真草者一百二十八人分爲九品每品各繫以論而以總序冠於前考竇臬述書賦於肩吾書學不甚推許於是書亦頗致不滿然其論列多有理致如序稱尋隸體發源秦時隸人下邳程邈所作始皇見而重之以奏事繁多篆字難製遂作此法故曰隸書今時正書是也此足正歐陽修以八分爲隸之誤惟唐之魏徵與肩吾時代邈不相及而竝列其間殊爲顛舛故王士禎居易錄詆毛子晉刊本之誤又序稱一百二十八人而書中所列實止一百二十三人數亦不符殆後人已有所增削然張彥遠法書要錄全載此書已同此本竝魏徵之謬亦同則其來久矣

四庫全書提要

畫史一卷宋米芾撰

文獻通考  
芾見易類

此書皆彙其生平所見名畫品題真偽或間及裝褙收藏及考訂譌謬歷代賞鑑之家奉爲圭臬中亦有未見其畫而載者蓋芾作書史皆所親見作寶章待訪錄別以目睹的聞分類編次此則已見未見相雜而書其體例各異也他如渾天圖及五聲六律十二宮旋相爲君圖自爲圖譜之學不在丹青之列芾亦附載殆張彥遠歷代名畫記兼收日月交會九道諸圖之例歟芾不以天文名而其論天以古今百家星曆盡爲妄說欲以所作晝夜六十圖上之御府藏之名山已爲誇誕又不以韻學名而其論韻謂沈約只知四聲求其宮聲而不得乃分平聲爲上下以欺後世考約集載答陸厥書雖稱宮商之音有五而梁書約本傳及南史厥本傳竝云四聲隋志亦作沈約四聲一卷芾

志八十三

藝文七

子部

三

所謂求其宮聲不得者不知何據殆誤記唐徐景安樂書以上下平分宮商歟卷首題詞謂唐代五王之功業不如薛稷之二鶴尤爲誕肆是亦以顛得名之一端存而不論可矣

四庫全  
書提要

書史一卷宋米芾撰

文獻通考

是編評論前人真蹟皆以目歷者爲斷故始自西晉迄於五代凡印章跋尾紙絹裝褙俱詳載之中如言敘帖辨爲右軍書而斥柳公權之誤作子敬智永千文驗爲鍾紹京歐陽詢書魏泰收虞世南草書則又定爲智永作類皆辨別精微不爽錙黍所錄詩文亦多出於見聞之外如許渾詩湘潭雲盡暮山出句此載渾手寫烏絲闌墨蹟暮山實作暮煙知今世所行丁卯集本爲誤楊慎作丹鉛錄嘗攘其說而諱所自來是亦足資考證不但爲鑒賞翰墨之資也惟卷末論私印一條謂印關吉凶歷引

當時三省印御史臺印宣撫司印皆以篆文字畫上官之休咎考隋書經籍志有魏征東將軍程申伯相印法一卷三國志注夏侯尚傳未附許允相印事是古原有此法然芾未必能得其傳殆謬爲附會徒爲好異而已矣

四庫全書提要

寶章待訪錄一卷宋米芾撰

文獻通考

此皆紀同時士大夫所藏晉唐墨蹟成於元祐元年丙寅書錄解題作寶墨待訪錄二卷與此互異疑陳振孫誤也自序謂太宗混一僞邦圖書皆聚而士民之間尙有藏者懼久廢忘故作此以俟訪分目睹的聞二類目睹者王羲之雪晴帖以下凡五十四條的聞者唐僧懷素自序以下凡二十九條大概與所撰書史相出入然書史詳而此較略其間亦有可以互相考證者故備著於錄俾參訂焉

四庫全書提要

志八十三

藝文七

子部

古

海岳名言一卷宋米芾撰

嘉慶志

此皆其平日論書之語於古人多所譏貶如謂歐柳爲醜怪惡札之祖徐浩肥俗更無氣骨薛稷大字用筆如蒸餅顏魯公眞字便入俗品皆深致不滿其所紀對徽宗之語於蔡襄沈遼黃庭堅蘇軾蔡京蔡卞尤極意詆訶史稱芾翰墨得王獻之筆意而書中於子敬書顧不置議論但云吾書取諸長處總而成之人見之不知以何爲祖殆亦不免放誕矜炫之習然其心得既深所言運筆布格之法實能脫落蹊徑獨湊單微爲書家之圭臬信臨池者所宜探索也其書原載入左圭百川學海中篇頁太少今從其類附諸書畫史寶章待訪錄之末都爲一帙焉

四庫

全書提要

書鄉小步明陳仁近撰

蘄州志

仁近見春秋類

墨池清紀明周嘉謨撰

漢川志

嘉謨見詔令類

茗柯帖明孟養蒙撰

武昌府志

案咸寧志作返柯帖誤

養蒙字湘疑別號方閒老子咸寧人

山水韻寶

山水佩觿明夏鼎撰

孝感志  
鼎見禮類

草書究源明尹賓商撰

漢川志

賓商見兵家類

畫中集一卷明胡康撰

沔陽州志

康字平叔號青城沔陽人諸生喜作擘窠大書閒遊戲丹青有

虎頭石田筆意

詩畫史明吳有省撰

天門志

有省初名邦彥字聖甫景陵人諸生中歲棄去隱西湖生平有

二妙四絕二妙者詩畫也四絕者彈琴圍棋蹴鞠飲酒也自號

松道人著論曰詩畫史尤工大隸古篆得漢魏法

志八十三

藝文七

子部

十五

續續書譜清楊錫億撰

安陸志

錫億安陸人附父所蘊傳

案宋姜夔有續書譜一卷續唐孫過庭書也此續姜氏書故曰續續

書法省吾十二卷清劉振鐸撰

黃州府志

振鐸字省吾麻城人以書名一時

書法緒言十卷清陳大華撰

黃州府志

大華黃岡人附兄大章傳

蒼屏篆集清郭從撰

蘄州志

從初名窈字層崖蘄州人諸生負性倜儻喜讀秦漢書善書畫

尤精古篆嘗輯古今篆行筆之異同爲篆集一書又有蒼屏詩

文集其詩悲歌慷慨能自道其生平云

張畸撰傳

墨玉牒二卷清劉湘燿撰

學稼堂存彙  
湘燿見書類

自序曰一切書法所論不過丰神結構無及入手訣者於筆法

何關唐以前悉皆口授筆法故成就甚深宋元以後無之此專實際發古人手法以及運神養氣之法

畫鏡一卷清朱雲燦撰

嘉慶志  
雲燦見地理類

雲燦字尋源家江陵善山水師同里郭士瓊好作小卷又善畫馬古來畫馬尚鉤勒次渲染尋源以逸筆灑墨藝苑之獨闢也尤工畫魚亦以逸筆平生好游凡名山必圖之於泰山作全圖一分圖十六并記梓行之於黃山每景作一圖凡四十八圖爲二冊於西湖作長卷起雲林終昭慶後以意綴天台石梁錢塘江湖以寄其逸興所著有畫鏡一卷行世

畫徵錄

墨池紀事二卷清程廷棟撰

漢川志

廷棟漢川人有列傳

是書集一百二十六人自倉頡至明釋如鏡人各敘以小傳撰

志八十三

藝文七

子部

六

絕句一百二十六首凡授受之源流書法之得力莫不包括於二十八字之中

墨池紺珠清余慶長撰

安陸志  
慶長見易類

名畫題跋清寇銓撰

安陸志

銓安陸人文學寇鈞附傳

胡虔序曰仲渾著中有集錄名人論畫詩與其兄青棠及所自作諸詩爲一集其蘊甚深

右術藝類書畫之屬

凡二十  
二部

琴清調論梁柳惲撰

南史本傳  
惲見政書類

初惲父世隆彈琴爲士流第一惲每奏其父曲常感思復變體備寫古曲嘗賦詩未就以筆捶琴坐客過以筇扣之惲驚其哀韻乃製爲雅音後傳擊琴自於此惲嘗以今聲轉棄古法乃著



清調論具有條流

同上

琴箋一卷宋崔遵度撰

宋史藝文志

遵度江陵人文學有傳

琴譜一卷宋令狐揆撰

宋史藝文志揆見易類

琴操諸譜明朱容棟撰

江夏志容棟見醫家類

研露樓琴譜清崔應階撰

江夏志應階見地理類

右藝術類琴譜之屬

凡五部

字舫印譜清曹安國撰

漢川志

安國字東安漢川人張希良序曰曹子東安年逾弱冠無幾許而詩文字畫無不工精嘗攜印譜問序見所摹勒深得扶風淵源詳著秘訣發透精微是可傳也

敦好堂論印一卷清吳先聲撰

采訪冊

志八十三

藝文七

子部

七

先聲字實存鍾祥人

論凡十六條其首一條云印章小技實在性情余少有此癖苦無師承久之得閱顧氏芸閣譜心摹手追積有數年鬱洲倪六通先生饒精賞鑑見余諸作每擊節謂其能學古人今迺益知堅所從信末署丁卯嘉平月古郢孟亭吳先聲實存識見常熟顧湘所編篆學瑣著

案古郢孟亭當是郢州之浩然亭亦曰孟亭在安陸府城內則先聲實鍾祥人也

墨顛石書二卷清胡然撰

江陵志

然號墨顛江陵人工篆刻古人刀法諸體俱備著墨顛石書郡伯周鍾瑄作序贊孝廉鄧以琢爲之歌

右藝術類篆刻之屬

凡三部

天監碁品三卷梁柳暉撰

隋書經籍志暉見政書類

梁武帝好奕碁使暉品定碁譜登格者二百七十八人第其優

劣爲碁品三卷惲爲第二焉

彈碁經一卷唐張柬之撰

文獻通考

東之襄陽人有列傳

案晁氏讀書志曰彈碁經一卷未詳撰人陳氏書錄解題彈碁經一卷題張柬之撰

宋史藝文志曰張學士碁經一卷

袁贇庵弈譜清王啓遠撰

潛江志

啓遠潛江人隱逸有傳

新纂射譜清段正信撰

監利志

正信監利人乾隆十年武進士選建寧鎮右營守備調臺灣城

守營升雲南都司未赴告歸正信手舉千斤精射法發無不中

臨陣曾著奇功有新纂射譜

國朝弈匯三卷附稼書樓手談清徐德煥撰

采訪冊

德煥沔陽人方伎有傳

志八十三

藝文七

子部

式

是書義在博綜而哀集稍隘未稱其名所采之譜祇十一種卷上三種曰兼山堂譜弈理析疑李氏受子譜卷中四種曰近譜弈妙弈錄弈存卷下四種曰弈程會聲園譜弈理妙悟貫如奕譜凡一百四十餘局末附一卷則耀文之譜居多

右藝術類雜技之屬

凡五部

以上藝術類凡三十五部

藝術類存目

書學管見清劉道霖撰

道霖江陵人

蕙田書畫記清林鍾僑撰

鍾僑

漢川人 盈川畫譜清謝仁溢撰

仁溢黃岡人

右書畫

琴譜清方可發撰

可發黃岡人

右琴譜

雕蟲篆刻編清鄭機撰

機江陵人

右篆刻

射藝詳說清史策先撰

策先棗陽人

右雜技

以上凡六部并附存目

譜錄類 器物 飲饌 草木鳥獸蟲魚

硯史一卷宋米芾撰 文獻通考 芾見易類

是書首冠以用品一條論石當以發墨為上後附性品一條論石質之堅軟樣品一條則備列晉硯唐硯以迄宋代形製之不同中記諸硯自玉硯至蔡州白硯凡二十六種而於端歙二石辨之尤詳自謂皆曾目擊經用者非此則不錄其用意殊為矜慎末記所收青翠疊石一正紫石一皆指為歷代之瓌寶而獨不及所謂南唐硯山者或當石尚未歸寶晉齋中或已為薛紹彭所易歟芾本工書法凡石之良楛皆出親試故所論具得硯理視他家之耳食者不同其論歷代製作之變考据尤極精確有足為文房鑑古之助者焉 四庫全書提要

志八十三

藝文七 子部

九

硯史求真志百區明樊志張撰 黃岡志 志張見易類 案縣志載硯史於譜錄類而以求真志百

區入之雜家或謂本一書誤分為二也

汝水巾譜一卷明朱術珣撰 四庫書目 案遼王以永樂二年遷

宗學者許就提學官考試衣冠一如生員已又令一體鄉試蓋不待易世之後已視先封為著籍矣故得錄其書於內編云

術珣字均焉自號汝水居士遼簡王植七世孫由輔國中尉換授鎮江通判遷戶部主事此書載古今巾式凡三十二圖自華陽巾以下十三種或采古書或徵畫籍而倣為之然敘次多舛略如折上巾葛巾幅巾其尺幅形製皆可考見乃略而不敘又明制本有輓巾諸色及俗尚之凌雲等巾亦俱失於登載至貝葉以下十九種則無所證據皆術珣以意創為之耳 同上

舟略明汪陞延撰 黃州府志 陞延見五經總義類

雪堂墨品一卷清張仁熙撰 廣濟志 仁熙見易類

是編乃宋犖為黃州通判時仁熙品其所藏之墨以漫堂墨品所紀年月推之蓋作於康熙辛亥自方中正牛舌墨以下凡三十六種意以配蘇軾雪堂試墨三十六丸也

四庫存目

米公袖石一卷清熊奇生撰

漢川志

奇生字遠度號西江漢川人康熙五十二年舉人官衡陽教諭有米公袖石一卷蓋石譜之屬也

奇器圖說訂六卷清劉湘燿撰

學稼堂存稟 湘燿見書類案 奇器圖說三卷明西洋人鄧玉函

撰於農器水法尤為詳密湘燿重訂其書見學稼堂存稟游藝部中又有漁莊錄集解二卷

金山鼎考清葉志詵撰

漢陽志 志詵見政書類

右譜錄類器物之屬

凡入部

茶經三卷唐陸羽撰

唐書藝文志 羽見傳記類

唐書隱逸傳稱羽嗜茶著經三篇藝文志載之小說家作三卷

志八十三

藝文七

子部

三

與今本同陳師道后山集有茶經序曰陸羽茶經家書一卷畢氏王氏書三卷張氏書四卷內外書十有一卷其文繁簡不同王氏畢氏書繁雜意其舊本張書簡明與家書合而多脫誤家書近古可考正曰七之事以下其文乃合三書以成之錄為二篇藏於家此本三卷其王氏畢氏之書歟抑后山集傳寫多譌誤三篇為二篇也其書分十類曰一之源二之具三之造四之器五之煮六之飲七之事八之出九之略十之圖其曰具者皆采製之用其曰器者皆煮飲之用故二者異部其曰圖者乃謂統上九類寫以絹素張之非別有圖其類十其文實九也言茶者莫精於羽其文亦朴雅有古意七之事所引多古書如司馬相如凡將篇一條三十八字為他書所無亦旁資考辨之一端

矣

四庫全書提要



凱之武昌人事跡未詳

晁公武郡齋讀書志云凱之字慶豫武昌人又引李淑邯鄲國書志謂不知何代人案隋書經籍志譜系類中有竹譜一卷不著名氏舊唐書經籍志載入農家始題戴凱之之名然不著時代左圭百川學海題曰晉人而其字則曰慶豫預豫字近未詳孰是其曰晉人亦不知其何所本然觀其以崙韻年船以邦韻同功猶存古讀注中音訓皆引三蒼他所援引如虞豫會稽典錄常寬蜀志徐廣雜記沈瑩臨海水土異物志郭璞山海經注爾雅注亦皆晉人之書而尚書篠蕩既敷猶用鄭康成篠箭竹蕩大竹之注似在孔傳未盛行以前雖題為晉人別無顯證而李善注馬融長笛賦已引其籠籥一條段公路北戶錄引其箛必六年復亦六年一條足證為唐以前書惟酉陽雜俎稱竹譜

竹類三十九今本乃七十餘種稍為不符疑酉陽雜俎傳寫誤也其書以四言韻語記竹之種類而自為之注文皆古雅所引黃圖一條今本無之與徐廣注史記所引黃圖均為今本不載者其事正相類亦足證作是書時黃圖舊本猶未改修矣

四庫全書提要

瓶史二卷明袁宏道撰

公安志

宏道見地理類

案是書言瓶

卷十二條一花目二品第三器具四擇水五宜稱六屏俗七花崇入洗沐九使令十好事十一清賞十二監戒首有自序蓋其在京師時作也文瑞樓書目載宏道花事錄二卷疑即此書

促織志一卷明袁宏道撰

似公安志

案所載凡九目日論畜日論

名色日養法日治法後繫以總論謂促織之態貌情性纖悉畢具

促織志一卷明劉侗撰

麻城志

侗見地理類

案此所載凡九

俗日別其言視袁志差詳

魚譜 藝花譜 種樹經 野菜性味考 清朱儼鑿撰江陵志

史類

種花小效 巖泉一勺 清江藝撰漢陽志

安國芝易 清曹安國撰漢川志 安國見藝術類 案經義考擬

此其類也

蠕範八卷 清李元撰京山志

梅譜 清方可發撰黃岡志

可發字通成 黃岡人貢生

清遠文木記 清葉志詵撰漢陽志

右譜錄類 草木鳥獸蟲魚之屬凡十四部

以上譜錄類 凡三十部

雜家類 雜學 雜考 雜說 雜品 雜纂 雜編

志八十三

藝文七 子部

三

周鬻子二十二篇 鬻子說十九篇漢書藝文志 案史記云鬻

世次無紀鬻子年九十見文王文王以為師至武王成王皆師事之成王大封異姓會先卒子熊麗孫熊狂亦卒因封其曾孫熊繹於楚則鬻子時尚無楚封初不得稱為楚人尤難據以為湖北人矣惟吾楚文教之祖實始開基相沿已久故仍著之至戰國時鬻冠子或曰楚人莫得而詳則不著於錄焉

周伍子胥八篇漢書藝文志

鴻寶十卷 梁張纘撰隋書經籍志 案

纘襄陽人附兄緬傳

致理書十卷 唐朱朴撰唐書藝文志

朴乾寧中為毛詩博士論述時務五十篇上之詞如近時策斷

之類迂緩不切與馬周所建明不啻霄壤矣昭宗善其言用太

宗擢周故事拔以為相徒以益亂可歎也郡齋讀書志 案晁

書通考亦沿其誤

鹿門隱書六十篇唐皮日休撰襄陽志日休見春秋類

日休由著作郎遷太常博士時值末年虎狼放縱百姓手足無措上下所行皆大亂之道遂作鹿門隱書六十篇多譏切諍政有云毀人者自毀之譽人者自譽之又曰不思而立言不知而定交吾其憚也又曰古之殺人也怒今之殺人也笑又曰古之置吏也將以逐盜今之置吏也將以為盜皆有所指云爾唐才子傳

案是書亦名鹿門子又名皮子隱書今見於文藪中唐書本傳稱所著有皮子三卷當即是書

家規十則明劉受三撰武昌志

受三武昌人隱逸有傳

傳家錄明汪宗伊撰楚風補宗伊見奏議類案縣志及楚風補載宗伊尚有臆說注疏一書疑書名有脫

誤今附注於此

世行錄明何遷撰安陸志遷見易類

志八十三

藝文七 子部

三

顏氏家政明顏木撰康熙湖廣通志木見禮類

燕翼錄明高文光撰荊州府志

文光公安人有列傳

樵論明高岱撰雍正湖廣通志岱見紀事本末類

復中語錄明陳柏撰沔陽志柏見奏議類

澣言明劉伯生撰安陸志伯生見易類

權子雜俎一卷明耿定向撰耿恭簡遺集附刻本定向見易類案千頃堂書目小說家耿定向權

子雜俎一卷一云羅鉞又陶珽續說鄧載此首志學終出頭凡三十篇考是書凡七篇曰徹菴曰啓彌曰砭痼曰瀚習曰員輔曰鑪曰觀物綜四十有六章志學出頭首末兩篇中雖有其語而實非篇名不識陶氏所據何本至其書雖言不一端然引除取譬凡以講明學術為歸入於小說家殊失實

自娛篇 自怡篇 閨訓禮纂明耿定向撰黃州府志

廓如篇三卷明耿定向撰傳是樓書目案千頃堂書目云定向子汝恣撰



太平本論元錄明陳善變撰

應城志善變見春秋類

內外篇二卷明周宏祖撰

明史藝文志

宏祖麻城人有列傳

是編內篇所論皆性命道德事多剽取老莊之旨外篇則自天

文地理錢穀甲兵皆各有論然皆略涉藩籬不得其精要也

四庫

存目案傳是樓書目作內外篇錄四卷四本文瑞樓書目入小說家作五卷此二卷或非完書

海蠡篇二卷明袁士瑜撰

嘉慶志

士瑜號七澤公安人即宗道宏道中道之父也其書旨以儒釋

二家同源異派或援釋疏孔或證孔於釋謂濂洛諸儒於聖人

書詮釋妙暢如樽注海是編如蠡注海故名海蠡編開卷釋明

德止於至善皆本釋氏之虛寂與無善無惡之說而曼衍之蓋

沿姚江末流而變本加厲者耳

四庫存目

志八十三

藝文七

子部

三

長夜燈三卷明孟紹甲撰

武昌志紹甲見傳記類

仿古篇

蓄艾篇

肖元錄

幽贊錄明瞿九思撰

黃州府志九思見易類

衡吻子明熊熾撰

武昌府志

熾字可徵武昌人都御史桴子以文學承蔭生桴督師廣東熾

從之桴卒幕府一介無所私嶺南有清公子之譽歸後杜門著

述年八十餘卒

何之子一卷明周宏禴撰

明史藝文志宏禴見詩類

是編乃其初謫代州州判時所作汝南吳同春序稱其語似關

尹子然九流競起雖多以怪譎為宗要無不可尋文索解宏禴

此書乃以常詞故為澁體其命名之義似取禮記佞佞何之之

語已為好異至於書中太虛奚無無以無無無無無則無無

無無則虛虛虛則實實實則極極極則易易易則始諸語殆至

不可句讀則尤為無取矣

四庫存目

三一子明程德良撰

嘉慶志

德良字凝之號雲連雲夢人萬曆十一年進士官崇信縣知縣雲夢志載所著有不波館正續集白連泝代豆日鈔明文鑑諸書今皆不傳傳者唯此書前有自序謂是書作於宰崇信時若三才一人焉則吾豈敢若三不朽而居一焉則亦不敢第次三篇而名曰三一子三篇以立德立功立言為序其大旨亦欲合

儒釋而一之

四庫存目

歸正解明劉秉鑰撰

麻城志

秉鑰字孩之麻城人萬曆十三年舉人授知縣致仕歸

雷子一書

雷子小言明雷叔聞撰

荆州府志叔聞見五經總義類

座右十箴

課士語明周醇撰

蒲圻志

志八十三

藝文七

子部

三

醇字完初蒲圻人萬曆十六年舉人官至思恩府知府十箴者潔已愛人秉公勤政省躬積善遠名戒察味澹養定也多采古人名言痛自箴警其課士語如改過立命戒妄求放心等條詳明愷切亦有裨於學行

時習新知六卷明郝敬撰

嘉慶志敬見易類

是書舊名知言敬於萬曆壬辰官永嘉時自為之序後改今名復於萬曆己未及崇禎戊辰為自序二首凡初篇三卷中篇二卷後篇一卷閱三十年而成自序謂早歲出入佛老中年依傍理學垂老途窮乃輸心大道書中於周子太極圖說張子正蒙邵子皇極經世及二程子朱子無不肆言詆斥謂宋儒設許多教門主靜持敬操存省察致知窮理專內疏外舉體遺用為浮屠之學又謂世儒先知後行以格物為窮理以聞見為致知皆

非是卽王守仁知行合一一致知格物之說然既借姚江之學以  
攻宋儒而又斥良知爲空虛以攻姚江亦可謂工於變幻者矣

四庫  
存目

閑邪記二卷明郝敬撰

山草堂外編 案千頃  
堂書目云闕李贄諸書

羸提子明王守經撰

武昌志

守經字一以武昌人萬曆二十五年舉人爲文放縱浩瀚不拘

繩尺著有羸提子夜行符等書行世

案夜行符一書未知  
何屬今注於此俟考

家訓遺矩明柯頌功撰

安陸志

頌功安陸人孝義有傳

傳家寶訓明黃色中撰

崇陽志  
色中見易類

是書凡十八則皆立身治家待人處世格言

焦螟子明尹賓商撰

漢川志  
賓商見兵家類

志八十三

藝文七 子部

三

匯書明朱華園撰

康熙湖廣通志  
華園見儒家類

用書一百卷明馮雲路撰

康熙湖廣通志  
雲路見易類

朱日濬馮徵君傳曰崇禎八年乙亥雲路奉母隱居九峰山中  
著用書閩林銘球造其廬捐俸梓漢晉兩朝用書是歲卒用書  
業唐宋及本朝俱成稿十三年庚辰直指汪承詔再疏舉薦以  
其書進覽固請登車雲路謝曰天下無無用之學路自揣圯下  
隆中實非所願儻有持我書致世太平致主堯舜者則九峰片  
石於我皇上天高地厚之恩未必無涓埃之報也

新說書明孫鵬舉撰

江夏志

鵬舉江夏人忠義有傳

漁臺說書

餘餘篇明魏公韓撰

黃州府志

公韓黃岡人有列傳

漸齋遺書明丁之鴻撰孝感志之鴻見易類

五徽語錄清姚慎典撰江陵志

慎典字五徽江陵人諸生教授生徒勵以聖學有五徽語錄

心鏡錄 問難蒙引清孟光第撰武昌志

光第字仲弢武昌人諸生有學行人稱為孝靜先生

藕灣訓兒四編清張仁熙撰廣濟志仁熙見易類

楸書清顧如華撰漢川志如華見奏議類

養心篇一卷 悟性錄二卷清江高衢撰沔陽州志

高衢字步雲沔陽人諸生

耳提錄清顧昌撰蘄州志

昌蘄州人文學顧景星附傳

存書錄內外編清黃在瓚撰應城志

志八十三

藝文七 子部

在瓚字琴玉應城人康熙三十二年舉人官仁和知縣

恆言 審言清朱任宏撰監利志任宏見易類

德詒堂家訓清余慶長撰安陸志慶長見易類

蝨書一卷清程大中撰德安府志大中見詩類

自序曰予讀劉蛻山書愛而私之既而強學之命曰蝨書言乎

其不足自存於書也使夫蟬魚者食而甘焉不亦可乎

秦氏家訓清秦之柄撰漢川志之柄見春秋類

祛塵子二卷清吳鑠撰黃州府志

鑠字衢尊黃梅人道光十九年舉人

訓子瑣言清褚于杜撰應城志

于杜字香晚應城人嘉慶二十一年鄉試第一主講夢澤蒲陽

書院

發蒙約旨清龐泰斗撰

崇陽志

泰斗號景山崇陽人嘉慶時布衣研究經學及宋五子書玩易有別解

警書二卷

平書四卷清秦篤輝撰

漢川志篤輝見易類

家訓遺規清余逢撰

麻城志

逢字潑泉麻城人增生

膚言一卷清王述文撰

襄陽府志

述文字纘臣襄陽人道光十七年拔貢主講南漳書院咸豐初以辦本籍團練功保薦知縣不就

樞言二卷清王柏心撰

監利志柏心見地理類

家訓四卷清陳廷鈞撰

采訪冊廷鈞見五經總義類

成人寶鑑

蒙養金鍼清熊煜奎撰

武昌志煜奎見政書類

志八十三

藝文七

子部

无

牧兒語一卷清周維翰撰

遠安志

維翰字柳溪遠安人貢生

劉子垣序曰周子牧兒語類分十六自明倫教家以迄待人接物其中千言萬語無非欲人遷善改過以自適於正

右雜家類雜學之屬

凡七十部

事始三卷唐劉孝孫撰

舊唐書經籍志孝孫見禮類案新書藝文志失載此書劉氏所題當據唐代流

傳之本既無房德懋名亦無等字似書乃成於孝孫一人之手今據以著錄內篇

事始三卷唐劉孝孫等撰太宗命諸王府官以事名類推原初始凡二十六門以教始學諸王易大傳自始作八卦至綱畧末耨曰杵之微皆記其本起檀弓所述亦皆物之始也然則事始之書當系之儒今以其所取不一故附於雜家

郡齋讀書志

事始三卷唐劉孝孫房德懋撰皆為王府官以教諸王始學

通志

訂誤二卷宋魏泰撰 宋史藝文志

泰字道輔襄陽人曾布之婦弟為人無行而有口米元章稱其與王平甫竝為詩家章惇為相欲官之不就 宋詩紀事

名義考十二卷明周祈撰 明史藝文志

祈字子永號敬夫蘄州人禧之兄嘉靖三十一年舉人官至平樂知府 蘄州志

其書凡天部二卷地部二卷人部四卷物部四卷各因其名義而訓釋之其有異同則雜引諸書參伍辨證雖條目浩博不無譌誤如論月星則不知推步之術論河源則據傳聞之譌論廣輪則不知周禮先有此文論化日則不知潛夫論實無此語論鮮卑以柳城為柳州論肉刑以漢文為魏文論篋篋為即琵琶

論杜甫詩竹根為酒杯如斯之類牴牾恆有然訂謬析疑可取之處為多惟援引舊文往往不著出典不出明人著書之通病云爾 四庫全書提要

常談考誤四卷明周夢陽撰 明史藝文志 夢陽見禮類案千頃堂書目作十二卷

是書皆辨世俗引用典故之訛而援據頗為寒窘亦多舛誤又有不必辨而辨者如辨青雲非聖賢元語即仙隱蹤蹟今乃謂登科入仕為青雲者誤是不知史記范雎蔡澤傳須賈有致身青雲之上語也謂程子表章大學中庸朱子合以論語孟子謂之四子宋時尚未以四子名是竝真德秀四書集義未見也又謂明太祖以五經四書取士四書之名自此起是竝元史選舉志未見也至辨太學石鼓非落星所化道士所居不可稱方丈尤嫌猥陋如為讀書人辨則讀書人無謬至此者如為不讀書

人辨則里巷訛傳觸耳皆是如劉克莊所謂滿村聽唱蔡中郎者可勝辨乎

四庫存目

四部醒醐明陶若曾撰 宜昌府志

若曾字孝若東湖人萬曆十六年舉人幼穎悟博通經史官祁門教諭著有四部醒醐

管窺集明黃色中撰 崇陽志 色中見易類

自序曰予嘗游意雜學亦不盡信陳言間出一二膚見與參駁窺豹以管略見一斑 案志載俞志虞序稱其目分天文地理禮樂禪學玄學星相醫卜十類

讀書考定三十卷明程良孺撰 孝感志

良孺字穉修孝感人由選貢任行唐知縣歷戶部員外郎權潞壑關卒於任

是書分天象時令地輿人物仕籍行誼肖貌人事書籍法教方

志八十三

藝文七 子部

三

伎宮室飲食服飾器用花木品彙凡十七門每類徵引舊聞訂其訛舛亦容齋隨筆之支流然大抵多前人所已言如唐明皇游月宮及月中嫦娥之類不過詩賦家藉為詞藻本無人以爲實事亦無庸紛紛詰辨也 四庫存目 案存目誤以程爲陳以孺爲儒又云崇禎中由蔭生官光祿寺典籍亦異

讀書一得明陶之哲撰 康熙湖廣通志

之哲字復九廣濟人專精五經學尤深性理有讀書一得數卷議論多出意表

文石客問清熊調鼎撰 麻城志 調鼎見五經總義類

此編設爲問答自天文地理中西曆法并太極元會性理心學靡不宣究於漢儒考證宋儒義理兼有心得

六書世臣說一卷清劉湘燧撰 學稼堂存彙 湘燧見書類 案六書者學稼堂存彙目錄附注云

顧寧人日知錄方密之通雅王旭莊曆法薛儀甫天學會通顧祖禹方輿紀要梅定九曆算叢書

經史諸解四十卷清朱澤遠撰 黃岡志

澤遠字京蒙黃岡人雍正七年舉人

讀書一貫解清朱璣撰 監利志

璣字煥廷監利人歲貢生承曾祖泰遺緒鑽研羣籍得其要旨

著有讀書一貫解 同上

測言二卷清程大中撰 應城志 大中見詩類

是編上卷凡一百一十八條下卷凡九十五條皆取經史傳記

諸書而論之其見解甚卓

四事箋十六卷清程大中撰 應城志

四事者日事隱事文事誤事原也

舊事考遺四卷 文林隱義六卷 備問錄二卷 諱補正三卷

志八十三

藝文七 子部

三

清程大中撰 應城志

鼠腊篇四卷清萬岳撰 黃岡志

岳字三峯黃岡人乾隆四十五年鄉試第一官宜城教諭 案宋戴埴

有鼠璞皆考證之文岳是書命名相似殆亦此類歟

讀書要訣 讀史要訣清徐愈敬撰 蘄水志

愈敬字近莊蘄水人乾隆五十九年舉人官宜城教諭

困學日知錄十卷清王如曙撰 黃岡志

如曙字際三黃岡人諸生

困學紀聞集證二十卷清萬希槐撰 黃岡志 希槐見五經總義類

王鑾序曰王伯厚氏困學紀聞一書近雖閻氏有注何氏有評

然語焉不詳吾友萬子蔚亭伯厚氏之徒也荒江之濱高踞一

座口講手畫原委歷然一事疊出則準以最初之文眾語紛陳



則衷以一定之說挹於邊腹者十之七抽於鄴架者十之三小注旁箋方幅徧滿門人鈔撮成編名爲集證其於伯厚氏所以疏通證明乎古人者又復疏通而證明之而以攻訐古人爲戒原書偶誤則止附著所知不加辨駁其謙謹又何如也

質疑錄十一卷清陳詩撰蕪州志詩見易類

陳愚谷有質疑錄自天神地祇人鬼以至道釋鬼神一一考其

原委以詩文附之考田詩話

經藝餘談清余朝蓋撰黃梅志

朝蓋字觀成黃梅人歲貢生著經藝餘談分天地人物四部悉見根柢

日知錄清黃經塾撰黃梅志經塾見術數類

橋西雜記一卷清葉名禮撰漢陽志名禮見易類

志八十三

藝文七 子部

三

趙之謙跋曰購書廠肆於故紙堆中得葉觀察橋西雜記稿本悉心搜剔復得周易異文疏證禮記鄭讀疏證戰國策地名考易僅列異文未有論說禮至檀弓杜蕢止中有數頁殘闕覓不可得地名考僅七條又徐壽輝韓林兒事輯每冊僅四五條蓋欲爲而未果者記中所云彊識錄則未見也觀察與潘伯寅侍郎交在紀羣間侍郎索雜記去爲謀付葉因記其目

潘祖蔭序曰橋西雜記則隨筆撮錄之書塗乙過半其中述掌故志舊聞有資考訂致功良勤橋西者丈所居紀文達故宅當京師虎坊橋之西也

覺書日記二卷清劉傳瑩撰漢陽志傳瑩見目錄類

前愈愚錄二卷 後愈愚錄二卷 讀書叢記四卷 老學菴筆

記一卷 古稀寤言一卷清鄭機撰采訪冊機見禮類

綠雨山莊筆記清吳鐸撰

采訪冊

案是書讀易志疑一卷尚書

入卷史記志疑一卷漢書志疑二卷後漢書

三國志志疑各一卷文選二卷凡二十四卷

鐸黃梅人文學有傳

采訪冊

守樸齋紀聞六卷清劉百年撰

百年字文川安陸人諸生

其兄百藥序曰文川嗜古勤學博覽羣書凡非所習見者晨夕

鈔錄彙成一集名曰守樸齋紀聞蓋訪困學紀聞例也甲子歲

余掌教湖南澧陽書院郵寄是書見其分類排纂俱有法度而

文學類所引解經諸說尤足補注疏之遺

凡三十部

右雜家類雜考之屬

宋史藝文志

宋元憲筆錄三卷宋宋庠撰

庠見編年類

志八十三

藝文七

子部

書

百七十條 文獻通考

宋景文筆錄三卷宋宋祁撰

嘉慶志

祁見樂類 其書上卷曰釋俗中卷曰考訂多正名物音訓裨於小學者為

多亦間及文章史事下卷曰雜說則欲自為子書造語奇雋多

似焦贛易林譚峭化書而終以廷戒治戒左志右銘未審為平

日預作為其後人附入也未有寶慶二年上虞李衍跋稱其可

疑者七事如以骨朶為脈朶不知朶為菜字之誤以鮑照作昭

為誤而不知唐避武后之諱以牛耕始漢趙過而不知冉耕字

伯牛古犁字文亦從牛以移為開而反合而不知為郁李以臣

瓚為于瓚而不知酈道元水經注稱薛瓚以朴無樸音而祁所

預修之集韻實有蒲侯匹角二切以卯本柳字而不知實古卿

字所摭多中其失然大致考據精詳非他說部游談者比其中

如論漢高祖呂后一條後蘇洵高祖論全本之又如蕭該漢書音義為顏師古所未見者亦賴此書存其略晁公武讀書志稱是書每章冠以公曰字不知何人所編此本無之或傳刻者所削文獻通考引中興藝文志以是書為紹聖中宋肇次其祖庠之語與公武說異馬端臨謂二筆錄卷數相同庠祁又兄弟不能定為一書二書今考書中稱引莒公者不一莒公卽庠則此錄為祁明矣或肇所編又別一書亦名筆錄耳

四庫全書提要案宋志雜家

宋祁筆錄一卷蓋以映為卷不以上中下為卷

摘粹一卷宋宋祁撰

宋史藝文志案此書通志通考及本傳皆不載惟見於宋志小學類今考高似孫緯略

第八卷孔硯條下引宋景文摘粹曰河東舜廟中有大硯一方尋尺刻文曰帝鴻氏之硯魯廟中有孔聖修六經硯方一尺三寸中心已穿穴蜀犍為人得楊雄草玄硯如今制去其圭角汾水王通廟中有通隋時續六經所磨硯伍輯之從征記曰魯國孔廟中石硯一枚甚古朴孔子平生時物庾肩吾謝銅筆格啓曰煙磨青石已踐孔子之壇當是青石也又考張湜雲谷雜記

志八十三

藝文七

子部

三

則引作摘粹有論新唐書不載詔令一條玉蕊花一條皆與小學無涉疑宋志有誤據以改入雜家

塵史三卷宋王得臣撰

宋史藝文志得臣見地理類

是書前有政和乙未自序稱時年八十追為之序書中稱予在大農忽得目疾乞宮觀已而掛冠年六十二以政和五年乙未逆推至其六十二時為紹聖四年丁丑成書當在其後是時紹述之說方盛而書中於他人書官書字書諡惟王安石獨書其名蓋亦耿介特立之士考所自述初受學於鄭獬又受學於胡瑗其明義一條復與明道程子問答疑為洛黨中人然評詩論文無一字及蘇黃亦無一字攻蘇黃其論詩小序兩申蘇轍程子之說而俱不出其名蘇軾以杜甫同谷歌中黃獨為黃精為後山詩話所駁者得臣申軾之說亦不出其名知其於洛蜀無所偏附所紀凡二百八十四事四十四門凡朝廷掌故耆舊遺

文耳目所及咸登編錄其間參稽經典辨別異同亦深資考證  
非他家說部惟載瑣事者比朱子語錄亦稱王彥輔塵史載幙  
頭之說甚詳云

四庫全  
書提要

恆菴遺帖明汪浩撰

石首志  
浩見紀事本末類

遵古便覽明余胤緒撰

應城志

胤緒字思孝應城人嘉靖五年進士爲考功郎忤權貴免歸以  
薦起官歷戶部右侍郎生平端介醇厚篤志聖賢之學門人稱  
爲慎修先生

康熙湖  
廣通志

太岳雜著一卷明張居正撰

嘉慶志  
居正見書類

是編多論古之語而於明代掌故尤詳亦兼及醫方雜事其中  
如廣寒殿梁上拆得至元通寶錢知爲元造而非遼造朱彝尊  
日下舊聞引爲考證亦間有可採中有其子懋修跋稱殿閣學

志八十三

藝文七

子部

美

士之設在洪武革丞相後不始於永樂天下知府有上中下三  
秩從三品正四品從四品之不同爲鄭曉王世貞諸書所未知  
然洪武中設殿閣學士皇甫錄明記略已載之錄書成於嘉靖  
壬寅在居正前懋修蓋未詳考其論趙蓋韓楊一條最爲平允  
而卒之以傲很掇禍乃與所言相反其論古人惟心服張詠而  
頗斥南宋諸儒之迂然至詆周公爲多事則妄矣此書本載太  
岳集中此本乃崇禎癸未德州盧世淮錄出別行焉

四庫  
存目

黃閣祠額解一卷明李維楨撰

嘉慶志  
維楨見紀事本末類

是書乃其奉詔謁黃帝陵見舊祠取鼎湖之事額曰龍髯乃作  
是書以辨其不經謂騎龍卽乘六龍之義其實子華子已有是  
說又舉百家所言黃帝神靈諸事一一駁詰詞極辨博實亦司  
馬遷五帝本紀文不雅馴薦紳難言之緒論也

四庫  
存目

十藪筆錄明歐陽柏撰 潛江志

柏潛江人有列傳

秦楚雜著明任文台撰 蒲圻志

瓶花齋雜錄一卷明袁宏道撰 嘉慶志

此書多記聞見雜事及經驗醫方間及書傳持論亦多偏駁如

孟子說性善及儒與老莊同異諸條第喜逞才辨不自知其言

之過也 四庫存目

秦氏日記明秦聚奎撰 康熙湖廣通志

聚奎漢陽人有列傳

虞山問業明張節撰 安陸志

節字符禺安陸人萬曆四十四年進士授常熟知縣有廉能聲

喜獎進諸文士有虞山問業奏最以吏部主事召未任卒

志八十三

藝文七 子部

三

洪道隨筆明邵元彬撰 武昌志

匡山讀書錄明胡永仁撰 鍾祥志

經濟錄 論世篇明朱荃宰撰 黃岡志

拔薤錄明袁昊撰 蒲圻志

近光切要 行餘切要 醒餘漫錄明傅本滋撰 漢川志

讀書偶然錄十二卷清程正揆撰 嘉慶志

是編乃其讀書劄記議論考證兼而有之問出新意而頗不免

踳駁如以武王上祭于畢為畢星引蘇經傳為證未免牽合論

聯句詩二條一以為始於柏梁一以為起於式微一書之中自

相矛盾又解杜甫丹青引據先帝天馬玉花驄句以為至尊含

笑圍僕惆悵乃深譏肅宗不軫羹牆之意而斥舊說之非則不

考明肅代三朝受終年月而臆為穿鑿尤固於說詩矣 四庫存目

晚箴錄 歸農雜撰清胡繩祖撰大治志 繩祖見地理類

素榮軒雜著清王啓遠撰潛江志 啓遠見藝術類

讀書隨筆六卷清呂大夔撰武昌志

大夔字調三武昌人諸生

石圃澄源二百二十卷清李春期撰蘄州志 春期見史鈔類

春期年三十卽屏棄世事築石圃於麟阜著石圃澄源錄二百

二十卷於經史百家務探本源

雲溪雜著清張士淑撰蘄州志

士淑字耳聖號遂菴蘄州人順治時歲貢

任齋雜著清陳應偉撰孝感志 應偉見書類

學古錄清李昌祚撰漢陽志

昌祚漢陽人有列傳

志八十三

藝文七

子部

三

槐園劄記清熊祚蔭撰孝感志

祚蔭孝感人諸生

陶江雜著三卷清張宏圖撰江陵志 宏圖見易類

三餘廣錄四卷清閔能恕撰應山志 能恕見職官類

張氏雜著清張洪撰荆門州志 洪見易類

居間錄二十卷清劉本焯撰廣濟志 本焯見小學類

茆堂雜著清陳謨撰蘄州志 謨見書類

經世要言清郭季麟撰應城志

季麟字天石應城人康熙間歲貢

清約齋雜著清張鼇撰荆門州志 鼇見四書類

續酌古論清程坦撰應城志

坦應城人監生大中父通經史百家言爲文自出機杼是書見

夏力恕所撰墓誌

實際錄清石振金撰

宜昌府志  
振金見禮類

栗軒雜著清談有典撰

武昌志

有典字栗軒武昌人乾隆九年舉人主講壽昌書院

論說筆記四卷清李閻慶撰

孝感志

閻慶字松門孝感人乾隆三十年副榜

郢樵雜著二卷清譚暉撰

江陵志

暉字曉峯江陵人乾隆三十三年舉人官崇陽教諭

夢竹軒筆記清劉士璋撰

江陵志  
士璋見地理類

雪窗拾遺清宋修撰

蒲圻志  
修見易類

芸窗閒筆四卷清熊汝弼撰

應城志  
汝弼見傳記類

雨窗舊聞清李宗簡撰

應城志  
宗簡見傳記類

志八十三

藝文七 子部

三

柑堂雜錄二卷清寧熙朝撰

潛江志  
熙朝見史評類

述古錄清謝元江撰

松滋志  
元江見天文算法類

養默山房雜著清謝元淮撰

松滋志  
元淮見地理類

西林雜著清鄒美中撰

公安志  
美中見春秋類

儕鶴軒雜著清黃士瀛撰

荊州府志

士瀛松滋人有列傳

芸窗筆獵清萬渭撰

黃岡志

渭字聿懷號雲卿黃岡人道光五年舉人官襄陽府訓導

雜撰三卷清徐寶和撰

蘄州志  
寶和見四書類

求慊堂雜著清劉炳撰

興國州志

炳字午橋興國人道光十二年舉人官漢陽府教授

同上

右雜家類雜說之屬

凡五十  
五部

玉田寶藏上下二卷清李之素撰麻城志之素見孝經類

器用原始一卷清程大中撰應城志大中見詩類

雞窗文石清朱華撰京山志

華字樸齋京山人庠生博覽嗜古著有雞窗文石凡六種

坳硯齋雅目編八卷清陳本謙撰黃岡志本謙見術數類

歸林尋樂二卷清呂庭栩撰應城志庭栩見地理類

蘊奇錄清葉志詵撰漢陽志志詵見政書類

服物統譜三十卷清羅德琨撰興國州志德琨見小學類

右雜家類雜品之屬凡七

儆戒會叢五十事宋張君房撰塵史君房見地理類案宋史

座右醒心錄明邱騰撰沔陽州志

騰沔陽人嘉靖三十七年舉人

志八十三

藝文七

子部

罕

百子咀華十四卷明胡效臣撰嘉慶志

效臣字鍾衡羅田人萬曆四年舉人官旌德知縣

是書取諸子之文而割裂之或摘其一段或拾其數語或撮其

數字以供時文獮祭之用首列左傳次六子次子彙次則以儒

家道家法家兵家分類又以明人所著參錯於古人之中不知

其體例何在又題曰焦竑批評竑之陋何至於此其依託可不

問而知也四庫

智品十三卷明樊玉衝撰於倫補輯明史藝文志

玉衝黃岡人有列傳倫字惇之黃岡人萬曆二十九年進士官

至右通政

是編蒐輯古初至明代用智之事分爲七門一曰神品察兆於

未萌者也二曰妙品知幾於將至者也三曰能品救敗於已然



者也四曰雅品端士之善應變者也五曰具品小才之偶見長者也六曰譎品純任術者也七曰盜品陰賊害正者也雜隸古事而皆不著其所出如趙簡子欲殺孔子之事出宋人偽子華子管仲諸事出管子輕重諸篇詞皆依託而信爲實然未免失於考證又輔過絺疵得列神品與大禹同科而文王周公乃僅入妙品殊爲倒置至竇良女蠟書滅賊厥志可嘉而乃列之盜品中尤乖刺矣四庫存目 案存目作樊玉衡撰衡蓋刊誤也

智門集明樊玉衡撰

康熙湖廣通志

玉衡字升之黃岡人諸生從張甌山講學

於倫補輯智品序有曰公弟升之別有智門集深識遠想多發人所未發予擇其與智品相發明者併入之

存笥錄明韓應嵩撰

襄陽府志 應嵩見地理類

志八十三

藝文七

子部

聖

增補智囊明馬亦昌撰

蒲圻志 亦昌見儒家類

物鑑明張國勳撰

黃陂志

國勳黃陂人忠義有傳

頤莊隨鈔清萬爾昌撰

黃岡志

爾昌字師二黃岡人崇禎九年舉人流寇之亂之武昌謁楚藩言防城不如防江爲畫策不聽自是絕意仕進與弟爾昇爾景偃息田廬往來者惟王一翥魏公韓數人年八十四卒

古今合纂清郭相業撰

東湖志

相業字元勳號梅溪東湖人布衣

函雅清沈宜撰

孝感志 宜見時令類

方氏叢書清方來撰

沔陽州志 來見五經總義類

王士禎序花悟堂集曰於諸子則有叢書采摭粹鑿

自警編清金德嘉撰 黃州府志

德嘉廣濟人文學有傳

德嘉父之純撰有自警編采錄宋賢名德盛軌德嘉續以元明

以來勒成一書 湖北先賢學行略 案李元度先正事略 稱德嘉續纂元明名臣言行錄蓋即是書

樂善集六卷清朱奇生撰 采訪冊

奇生字亦生隨州人康熙三十六年拔貢

自序曰余自幼志學凡經史羣書中善言善行之切於身心者必籍而記之名樂善集首以畏天為綱而畏天必在盡性故盡性至惜時為目次以立教為綱而立教莫大於明倫故明倫至惜字為目又次以修身為綱而欲修其身者必先正其心故目始正心而以逸民終焉凡六卷三綱四十三目

古學彙編四卷清蕭銓撰 蕪州志 銓見醫家類

志八十三

藝文七 子部

三

杞懷雜錄四卷清劉湘燧撰 學稼堂存彙 湘燧見書類

存彙目錄自注曰每見有識之士畱心世務著為論說喜而錄之

居官居家四鏡三十二卷清左俊撰 德安府志

俊雲夢人

名言輯要四卷清胡志熊撰 孝感志 志熊見地理類

雲溪隨筆清黃元吉撰 宜城志 元吉見史評類

墨莊偶纂四卷清呂之儀撰 應城志

之儀字象可應城人乾隆間歲貢任鄖縣訓導

家訓醇雅集清謝玉英撰 石首志

玉英字才叔石首人諸生

彙行錄十五卷清羅德琨撰 興國州志 德琨見小學類

尊聞錄八卷清陳瑗撰蕪州志

瑗字半菴蕪州人歲貢

研北偶鈔二十四卷清夏兆觀撰江夏志

兆觀江夏人嘉慶二十三年舉人官孝感教諭

就芝軒隨筆清劉柏才撰沔陽州志

經餘碎筆清周遠炳撰黃州府志

遠炳羅田人

人鑑清田家崧撰荊州府志

家崧公安人

汲古緬清吳東昱撰黃州府志

東昱黃安人

讀書記 聞見錄清吳大桂撰黃州府志

志八十三

藝文七 子部

星

大桂黃安人

經史要錄清閔璜撰沔陽州志

璜字稚萃號渭川沔陽人咸豐三年進士授吏部主事

訓典彙要八卷續編五卷清熊焜奎撰武昌志焜奎見政書類

督學孫家  
鼎為之序

紺珠補拙二卷 對證藥一卷清鄭機撰采訪冊機見禮類

諸子取精錄二卷清姚瑞堂撰采訪冊

瑞堂字介石江夏人歲貢

右雜家類雜纂之屬凡三十  
五部

歸雲別集七十四卷明陳士元撰彙刻書目士元見易類

自序曰余又有歸雲外集別集皆隨意撰述種類不一外集錄

梓未竟惟茲別集錄工告成計書十種分二十冊七十四卷列

具目錄左方凡姓匯四卷姓觴十卷名疑四卷古俗字略七卷  
夢占逸旨八卷論語類考二十卷孟子雜記四卷易象鉤解四  
卷易象彙解二卷五經異文十一卷

歸雲外集六十七卷明陳士元撰 彙刻書目

歸雲外集凡隄疾恆言十五卷楚故略二十卷象教皮編六卷

楚絕書二卷荒史六卷世歷四卷江漢叢談二卷俚言解二卷

夷語音義四卷岳記六卷

乾隆丙寅程大中歸雲書日記曰養吾子棄官去徧游五嶽所  
至輒為記述及歸里杜門博考者垂四十年所著歸雲集已版  
行未版行者有新宋史新元史百餘卷史纂數十卷其他散佚  
不傳者若外國傳評經諸類尚共十餘種明史有先生書目而  
無傳應城邑志有傳而不列書目予嘗徧搜邑人所藏竟無一

志八十三

藝文七 子部

器

二存者

在山堂集 案士元諸書如別集外集所載二十種大  
中所舉五種外尚有韻苑考遺四卷灤州志十一卷德  
安府志孝感縣志各若干卷夢林元解三十四卷氏疑四卷釋  
氏源流二卷百老歌一卷見縣志又其詩文集名詳見別集類

道林五十五卷明樊鼎撰 黃州府志  
鼎遇見易類

象林形林生林數林易林禮林樂林刑林教林詩林凡十部總

名曰道林

山草堂內編一百四卷外編四十八卷明郝敬撰 彙刻書目  
敬見易類

內編凡談經九卷易領四卷問易七卷學易枝言四卷毛詩序

說八卷春秋非左二卷四書攝提十卷時習新知六卷閑邪記

二卷諫草二卷小山草十卷嘯歌二卷藝圃僉談四卷史漢愚

案八卷制義六卷讀書通二十卷外編凡批點左氏新語二卷

批點史記瑣瑣二卷批點前漢書瑣瑣四卷批點後漢書瑣瑣

六卷批點三國志瑣瑣四卷批點晉書瑣瑣六卷批點南史瑣

瑣四卷批點北史瑣瑣四卷批點舊唐書瑣瑣四卷批點杜詩  
四卷批點唐詩二卷蜡談六卷

袁石公集四十二卷明袁宏道撰彙刻書目  
宏道見地理類

袁石公集凡錦颿集四卷解脫集四卷瀟碧堂集二十卷瓶花

齋集十卷瓶史一卷廣莊一卷狂言一卷嵩華游草一卷

袁中郎外集十五卷明袁宏道撰彙刻書目

此彙刻書目所收外別有一種者凡廣莊一卷做篋集一卷破

研齋集三卷廣陵集一卷桃源詠集一卷華嵩游草二卷瓶史

一卷觴政一卷狂言二卷狂言別集二卷彙刻書  
目外集

合刻五家言二十六卷明鍾惺編嘉慶志  
惺見詩類

是書一曰道言凡十二卷即文子也二曰德言分上下二卷即

劉晝新論也三曰術言即鬼谷子也四曰辨言即公孫龍子也

志八十三 藝文七 子部 聖

五曰文心雕龍凡十卷各書俱有專行之本不可強合而別立

標題務為詭異可謂杜撰無稽矣四庫  
存目

明鍾伯敬評祕書十八種彙刻書目

初集汲冢周書孔叢子新語韓詩外傳鹽鐵論新序白虎通風

俗通天錄閣外史二集三墳書春秋繁露焦氏易林大戴禮說

苑法言越絕書文心雕龍釋名

三注鈔明鍾惺編彙刻書目

三國志注八卷世說語注二卷水經注六卷此二書以有惺  
評語故加采錄

濯纓館十刻明黃圖昇撰蒲圻志  
案十刻未詳

圖昇字孟起蒲圻人萬曆四十年舉人負異才遨遊吳越居官

時日與名人質論經史歸後益以著作自娛

鹽邑志林六十二卷明樊維城撰嘉慶志  
維城見詩類

是編乃維城官海鹽縣知縣時輯海鹽歷朝著作共為一集凡三國三種晉二種陳一種唐一種五代一種宋三種元一種明二十九種其中如陸績易解之類多出鈔合明人所著又頗刪節大抵近說郭之例四庫存目 案黃岡縣志載有樊玉衡全邑志林考樊良樞所撰玉衡本傳不載此書疑鹽全音近致譌 又誤維城為玉衡耳

四六全書三十九卷明李景庶撰 彙刻書目外集

凡四六書五種崇禎庚辰漢川李景庶撰四六類編十三卷官

制備考二卷輿圖摘要十五卷姓氏譜纂七卷時物典彙二卷

案景庶始末無可考四六類編之下松澤老泉注以為字君實考嘉興有李日華者字君實崇禎初卒此五種中官制備考一書見四庫存目職官類姓氏譜纂時物典彙二書見類書類并題李日華撰而皆以為非日華所作此明著漢川李景庶撰豈景庶亦字君實因而傳譌為日華書歟今特存之

東灣草堂著述二十八種清朱儼鑱撰 江陵志餘序 儼鑱見雜史類 案程宏緒江陵志

志八十三

藝文七 子部

吳

餘序曰丁酉夏友人孔伯靡過章貢讀書樓出其東灣草堂著述一篋凡二十八種而江陵志餘則其二十八種之一也今考荆州府縣志及嘉慶志所載并計止二十三種其它五種渺無稽矣

檢心集十四卷清閔則哲撰 應山志 則哲見儒家類

是集為其子衍所編以語錄講義雜著與雜文參錯成書頗無條理其有書名者為說書管見四卷又說書一卷訂學膚言二卷其不能以一卷者曰寬酌篇敢問篇偶及篇經說略史說略子說略仕語節錄論兵摘略遷議存彙惕愆質語節錄內則續言蕉窗筆談餘皆雜文其中論說既繁不免小有抵牾如史略中引史記桀觀炮烙於瑤臺云云乃符子之寓言史記實無此文也 四庫存目

文也 四庫存目

涉園合編清魏方振撰 蒲圻志 方振見易類

學稼堂存彙七部清劉湘燧撰 湖北通志檢存彙 湘燧見書類 案是書編次天學部第一凡十

二種地輿部第二凡八種水利部第三凡十七種經史部第四凡八種兵防部第五凡五種時務部第六凡八種游藝部第七凡四種綜爲書六十二種其中編成卷帙者三十有六內無卷數者一有卷可計者二百三十有九未編卷而但以篇名著者二十有六章氏通志彙備載其目錄文鑿又著於先賢學行略中今取其書分隸各門而約略彙其部分於此

是菴別錄十種清程大中撰應城志

自序曰僕少喜鈔書如王臨海所云習與性成不覺筆倦者殆三十年會心觸目日有增加疏其類得十種通曰別錄四書拾

遺其一也

在山堂集三十卷清程大中撰應城志

吳毓梅序曰程拳時先生稿陸續梓行越七十餘載嘉慶間其家不戒於火版片毀殘士林惜之王熙台捐貲另鑄屬梅重編爰於風雪圍鑪時持杯握管隨編隨錄數日歲事總名在山堂集共三十卷首古作雜著及韻語次周禮外義次讀史測言蟲

志六十三

藝文七 子部

畢

書又次之末逸箋考遺而以原刻時文終先生著作如鱗所刊

不過吉光片羽云案大中所著見於新修縣志者凡經部書四種史部書三種子部書十二種而詩文集不與焉湖北先賢學行略又言其有程拳時集

渾齋七種清李元撰京山志

元見易類

元著述極富官蜀時刻有渾齋七種一蜀水經十六卷二音切譜十八卷三聲韻譜十卷四寤索三卷五乍了日程瑣記三卷六通俗八戒一卷七蠕範八卷一時通儒皆重其書又有易經集解春秋君國考仁壽縣志桑梓錄率爾操觚錄算書補編日書一夢緣八種

補希堂叢書清張泰來撰沔陽州志

泰來見易類

泰來七經纂要而外又有知意劄記口義文集諸編凡若干卷總名補希堂叢書今見於州志所載者綜一十五種其中論語要解佚無

卷一百五十八卷 案知意口義上當有脫字

數 州志原文如此無可校補

清李蟠雜著 漢川志

蟠字子根號雪坪又名蕉漢川人僑居天門生平所作詩文尺牘外有吳越舊聞蝶夢錄麻源飲勺餘談灌園私語日暇紀聞雪坪嚙語一塊礬鏡中人影桂海新聞葯江鼓吹志三滋困學錄精衛口中石凡十餘種皆藏於其姪兆慶及天門門人羅嘉穀家

古書十八種清周大鈞撰 嘉魚志

大鈞字陶萬號和亭嘉魚人嘉慶十三年舉人歷官麻城宜城教諭纂有古書十八種

墨緣館著書三十二種清秦篤輝撰 漢川志篤輝見易類

宋紹玘序經學質疑錄曰秦子著書數十餘卷列在墨緣館書

志十三

藝文七 子部

哭

目者無非深造有得之言惜其無力板行以公諸世

右雜家類雜編之屬 凡二十三部 案近人如江夏童濂刻有

叢書既非自撰亦非湖北人著述今不錄至趙學使尙輔所刻湖北叢書已分見各類中亦不復載

以上雜家類凡二百二十八部 案清四庫定著雜家曰立說者

論而兼敘述者謂之雜說旁究物理臚陳纖瑣者謂之雜品類輯舊文塗兼眾軌者謂之雜纂合刻諸書不名一類者謂之雜編今並依例纂錄如右然僅以書名約略排比其間分錄出入不盡可憑通志枝讐略所謂見名不見書之弊殆未免焉

雜家類存目

王氏家訓明王應鼎撰 應鼎京山人 求正牘 酬知錄明王道正

撰 道正沔陽人 清時繹說明潘世標撰 世標監利人 徵述錄明張懋

斯撰 懋斯廣濟人

居家錄清胡弇撰 弇江人 庭誠十五章清陳權撰 權應城人 擒思

錄清陳陞謨撰 陞謨孝感人 家訓略言清張連璧撰 連璧潛江人



勸學瑣言十則清劉夔撰夔沔人 秭歸提命錄清張夢墀撰

夢墀蕪州人 課子醒言清鄭家齊撰家齊石首人 課兒條規清方蔚

撰蔚蕪州人 遺善恆言清林正紀撰正紀漢川人 觸書家範清喻元

鴻撰元鴻黃梅人 家訓清吳柏撰柏江夏人 傳家寶訓清葉祥英撰

祥英沔陽人 百念齋家課清黃文臣撰文臣沔陽人 思詒堂語錄清

鄧肇丙撰肇丙沔陽人 治家格言清王燕瓊撰燕瓊黃岡人 三成堂

家訓清鄒互初撰互初黃岡人 修身教子書二篇清王德純撰德純蕪

蕪水 韓氏家訓清韓名世撰名世黃岡人 先世清白遺編清吳

兆禮撰兆禮黃岡人 訓初勺言清石嵩年撰嵩年黃梅人 砭愚語略

清李瀚藻撰瀚藻黃岡人 畱心集清賀運价撰進蒲圻人凡格

傳家瑣語二卷清定永相撰永相沔陽人 草草卮言清任潤撰潤黃

陂 義方遺訓清畢瑄撰瑄石首人 課蒙易曉一卷 訓女庸言

志八十三

藝文七 子部

完

一卷清張官德撰官德武昌人 右雜學

居稽隨筆清江華對撰華對漢陽人 關邗訂譌清張奎華撰奎華雲夢

人 教學譜清牟萬鵬撰萬鵬當陽人 多識手箋清梅開泰撰開泰

廣濟 辨譌一得清吳巨禮撰巨禮廣濟人 讀書質疑清史銘桂

撰銘桂沔陽人 實學錄清劉寅撰寅沔陽人 讀書得間 盧璠撰璠黃

安 右雜考

寤語明周于蕃撰于蕃蒲圻人

後絕交論清王一才撰一才黃岡人 三才合一說清張世鎮撰世鎮

麻城 三芝堂筆記十卷清舒學源撰學源廣濟人 類說清陶金

炬撰金炬廣濟人 周子世業清周健行撰健行蕪水人 比事剴言清

潘紹經撰紹經蕪水人 過庭錄清劉揆撰揆沔陽人 過庭誌餘 談

林清劉興藻撰興藻沔陽人 奧義辨難清謝超撰超沔陽人 荆江劄

記清蕭敘宗撰敘宗沔陽人

滋德堂雜著清馮峻撰峻興國人

怡雲

籀隨筆清陳廷鈞撰廷鈞安陸人

耕讀要旨清劉如芝撰如芝沔陽人

右雜說

徵古堂類編明傅之綦撰之綦黃岡人

述善類編清費光朝撰光朝沔陽人

說郭輯要清程坦撰坦應城人

子書纂要清周應運撰應運漢川人

經餘彙纂清范世瑛撰世瑛蕪水人

人子寶鑑錄清張祖銘撰祖銘蒲圻人

讀書記清樊允武撰

允武黃岡人

藜餘隨錄清劉揚烈撰揚烈黃岡人

子史隨見錄清余

德基撰德基安陸人

諸子纂要清李漢滋撰漢滋漢陽人

古今格言

清鄧蘭章撰蘭章沔陽人

漢魏書集錄清湛深撰深黃梅人

博通便

覽撮要清吳嗣泰撰嗣泰通城人

樂吾樂齋叢鈔清姚汝霖撰汝霖

江夏人

右雜纂

志八十三

藝文七

子部

三

以上凡六十九部并附存目